

Kenal pasti punca banjir di Sekinchan

SUNGAI BESAR - Semua agensi kerajaan berkaitan diminta mengenal pasti punca banjir kilat yang melanda pekan dan kawasan perumahan di sekitar Sekinchan, Ahad lalu.

Ahli Parlimen Sungai Besar, Datuk Noriah Kasnon berkata, beliau sendiri akan bertemu jurutera daerah untuk berbincang tentang tindakan susulan yang perlu dilakukan bagi menangani bencana tersebut.

Menurutnya, kejadian banjir kilat di kawasan itu dianggap fenomena 'luar biasa' memandangkan terdapat kawasan perumahan yang sebelum ini tidak pernah dilanda banjir, dinaiki air.

"Taman Aman 3 Sekinchan, misalnya dilanda banjir kilat kali pertama, kawasan itu sebelum ini tidak pernah dinaiki air dan ia memerlukan tindakan susulan mengenali pasti puncanya," katanya.

Ditanya kemungkinan banjir disebabkan pembangunan pesat yang dijalankan di Sekinchan, Noriah berkata, perkara itu tidak mustahil dan berharap Majlis Daerah Sabak Bernam (MDSB) memantau projek pembangunan yang dilaksanakan di kawasan terbabit.

Isnin lalu, beberapa kawasan dinaiki air sedalam 0.02 meter berikutan hujan tanpa henti sejak dari pagi.



Keadaan banjir kilat yang melanda pekan Sekinchan, Isnin lalu.